



UNIVERSITÄTS-
BIBLIOTHEK
PADERBORN

Johannis Buxtorfi[i] Manuale Hebraicum Et Chaldaicum

Buxtorf, Johann

Basileæ, M DC XIX.

Johannes Buxtorfius Joh. Gosvini Bosmanno, Dordraceno, Phil. M. & Jacobo
Guilhelmi Hooft, Amsteldamensi, S. P. D.

[urn:nbn:de:hbz:466:1-69652](https://nbn-resolving.org/urn:nbn:de:hbz:466:1-69652)



Johannes Buxtorfius

JOH. GOSVINI BOS-
MANNO, Dordraceno, Phil. M.
& JACOBO GUILHELMI
HOOF, Amsteldamensi,

S. P. D.



EN vobis, ornatissimi & doctissimi Viri, (sic enim liceat mihi vos compellere, quòd Virtus in Vobis virile sit consecuta robur) en, inquam, vobis, quòd sæpè desiderastis, breve in universa Biblia Hebraica Lexicon, ad id tantummodo elaboratum, ut significata omnium vocum Biblicarum, subito intuitu menti offerat. Ea brevi còpendio sic esse comprehensa, magnum est ad proficiendum adminiculum. Quorsum enim diuturna & laboriosa lectio, si non comiterur

P R A E F A T I O .

verus vocum intellectus? Hunc qui affectus est, is & per se sacra Biblia cum fructu interpretari, & de aliorum interpretationibus, sive consonis sive dissonis, dextrè judicare poterit. Interpretès utique mentis est oratio, quam plenè intelligit is, qui singula verba percepit. *Voluntas nostra, si tacitis nobis intelligi posset, verbis omninò non uteremur. Quia non potest, verba reperta sunt, non quae impedirent, sed quae indicarent voluntatem,* scribit Cic. pro A. Cæcin. Verba autem sacrae Scripturae, Dei voluntatem erga nos indicant, quam nosse, salutis nostrae & temporalis & aeternae interest. At verò Hebraicae linguae, in qua Verbum Dei generi humano primò revelatum, proprietates ita comparatae sunt, ut in brevi dictione, variam sententiarum vim & sensus profundos invenire liceat. Illud trita sententiâ Hebraei iudicant, cū dicunt, אֵין בְּתוֹרָה אֶפְיָלוֹ אוֹת אַחַת, שֶׁאֵין הַרְרִים גְּדוֹלִים תְּלוּיִים בָּהּ. *Non est in Lege vel litera una, à qua non montes magni dependeant.* In hæc sensim penetrandum

dum

PRÆFATIO.

dum, placidè & per aperta; non cum
 procurſu aut impetu, vel per accessus
 operoſos aut implicitos. Ductore pri-
 mùm opus, antequam penitiora vel
 ardua magis quis tentet. *Imbecillioribus*
ingeniis neceſſarium eſt aliquem præire, ſcri-
 bit Sen. ep. 95. In hunc uſum præſens
 libellus conformatus eſt, ut ad ſignifi-
 cata omnium vocum citiſſimè com-
 prendenda, præſens memoriæ na-
 ſcentis ſit ſubſidiũ, & vacillantis aſy-
 lum ubique obvium. Ea enim quan-
 titate eſt, ut & domi in ſinu cujuſque
 commorari, & foris cum quolibet pe-
 regrinari commodè poſſit. Ea etiam
 cura & fide ſignificata ſelecta & appo-
 ſita ſunt, ut cum maximè fidis Biblio-
 rum interpretationibus conveniant.
 Per prima hæc veſtigia, in uberes alio-
 rum theſauros tuta via dabitur. Hūc
 libellum Vobis, amici exoptati, ani-
 mo amico offero, & veſtrę Virtutis me-
 moriæ conſecro. Primùm ut ad cœpti
 ſtudii Hebraici continuationem vobis
 ſit incitamentum: deinde, ut gratif-

PRÆFATIO.

simæ vestræ apud me conversationis,
 habeatis symbolum & monumentum
 publicum: deniq; ut gratitudinis meæ
 erga vos aliquale sit testimonium. Ut
 studium harum literarum, quod tu
 quidem, amice M. BOSMANNE, apud
 me cœpisti, & felicissimè per Psalterii
 Davidici repetitionem, in alios libros
 biblicos promovisti; tu verò præstan-
 tissimè JACOBEO HOOFT, rarò pieta-
 tis exemplo, jam antea cœptū & Me-
 dico studio adjunctum, diligentissimè
 apud me in Jobi historia exercuisti,
 ut, inquam, hoc studium continuetis,
 meritò vos incito. Nam, ut prisca Do-
 ctiores Talmudici dixerunt, כָּל־הַלּוֹמֵד
 תּוֹרָה וְאֵין חוֹזֵר עָלֶיהָ דּוֹמֵה לְאָדָם שֶׁזּוֹרֵעַ וְאֵינוֹ
 קוֹצֵר *Quicumq; discit Legem & non repetit*
eam, similis est homini, qui serit & nihil me-
rit: Item כָּל־הַלּוֹמֵד תּוֹרָה וְמִשְׁבַּחָהּ דּוֹמֵה
 לְאִשָּׁה שֶׁיוֹלֶדֶת וְקוֹבְרָתָהּ *Quicumq; operā dat*
Legi & oblivioni tradit eam, similis est mu-
lieri, que parit & partum sepelit: Sanhe-
 drin cap. ii. fol. 99. i. Et Rabbini: כָּל
 הַמוֹסֵף מוֹסֵפִין לוֹ וְכָל־הַנּוֹדֵעַ גּוֹרְעִין לוֹ
 addit,

PRÆFATIO.

addit, adjicitur ipsi: qui verò minuit, minuitur ipsi. Qui laborem & industriam adhibet, hujus conatus Deus promovet: qui negligens est, ab eo scientia omnis detrahitur. Quidni verò etiam tester, convictum & conversationem vestram, mihi per jucundam fuisse, quòd liberalem Dei gratiam vobis dedisse deprehenderim, σωφρόνως καὶ ἀνδρείως καὶ δόξῳσιν vivere. Et certè non sine ratione sacra est magnarum virtutum memoria, ait Seneca 4. de Ben. Denique cum per se fugienda res sit ingratum esse: nihil prius duxi, quàm grati animi affectionem, hocce symbolo ut ut exiguo, erga vos declarare. Non autem hîc rem, sed animum spectabitis. Nam ut omnium aliarum virtutum, ita gratitudinis ad animum tota æstimatio redit. Hic si in officio est, satis: quicquid insuper deest, fortuna peccat. Sed hîc me contineo, ne ἀνγερος Vobis sim. Vos autem, integerrimi amici, divinum hoc studium, & me cum illo, sicuti cœpistis, amare pergite. Sic Deus

P R A E F A T I O .

vitæ studiisq; vestris in inclyta Gene-
va ubertim benedicat, reliquūq; vestrū
iter Gallicanum prosperet, ut salvi &
incolumes dulce natale solum tan-
dem revisatis. Scripsi Basi-
leæ 16. Nov. Ann.

16 12.

R E G V .